

上饒縣志

卷十一

列女傳

賢惠

節孝

貞烈



邑志所載節烈事詳矣而賢母順婦概未之聞焉豈
竟乏其人與抑以婦人職主中饋無他才行可見與
然考列女傳創自蔚宗所載桓少君王霸妻事甚悉
可見婦女不必遭家不造而亦足以不朽人亡事往
搜羅匪易顧其所載節烈成仁取義豈不有光於名
教哉

賢惠

宋

陳克齋妻周氏通書史克齋追隨朱子講學於建陽鉛山諸處遊學日久時堂有二親晨昏菽水多缺氏孝養備至克齋因得專心遠遊以成其學并督課孫子授以經書日

就竹林家訓焉

採克齋墓碣補

元

葉某妻陳氏年二十五生子四齡而寡丙子兵寇起能以智全其家歲饑發粟賑貧類大丈夫慷慨知大節非徒守閨門貞行而已有司上其事賜旌表蠲復如法戴表元作

浴蠶沙溪水詩表之

採通志藝文補

詩曰浴蠶沙溪水采桑玉山巔絲成自稜稜膠作烈婦絃烈婦何所言絃中意纏綿一說鸞影孤二訴雛巢穿巢穿尚可葺影孤恨終天有食不目肥衆禽伴喉咽真宰憫其疲勞役盡弛調及今雛長成雛舉亦翩翩朝陽照巖林楷槁生光妍黃檗誰為苦鐵不誰為堅請君屏俗耳聽我沙溪篇

明

婁妃一齋孫女郎中性女也事宸濠濠賊妃赴水死初濠有逆志妃嘗泣諫不聽既就擒檻車北上與押檻官言往事輒痛哭曰昔紂以聽婦言而亡國孤以不聽婦言而亡身邑人鄭毅以詩哭之曰道義傳心有定論賢妃原是一

齋孫

按王陽明年譜濠見陽明輒曰婁妃賢妃也自始事至今苦諫未納適投水死比使往果得屍周身皆綿繩內結裏爲諒女有家學故處變能自全則妃之賢見矣但不知爲性女也蓋年譜之誤耳

信乘續葑

國朝

李元材

本姓注

妻王氏事舅姑盡孝元材年四十無子力勸

納妾托外戚訪得金氏女宜男雖貧苦未甘側室氏親至其家訂爲姊妹不允重以誓言方允之連舉二子屬金撫

養一切家務獨任其勞年九十知府哀以淑德遐齡匾獎之卒年九十有一

余作霖妻羅氏幼嫻內則德性溫粹相夫訓子動中禮法事姑尤孝謹姑久病氏侍湯藥晨夕不懈者凡十六年乾隆八年及十六年歲大歉作霖出粟賑濟氏竭力佐助鄉里賴之縣令鄒應元聞之獎以聯匾

陳遇春妻余氏事舅姑以孝聞孟盤酒饌必誠必潔兒女啼聲不令觸舅姑耳夫早歿教子極嚴年幾九十猶以紡績課讀其子若孫皆有聲庠序云

余猷嘉妻羅氏性至孝其父廷椿五十無子氏歸寧力勸
父置妾沙氏父因賴有子嗣後父病篤醫藥罔效氏割股
和藥中以進父病立愈氏後病垂危方語家人示以疤痕
而卒

楊紹卓妻鄭氏性孝謹先後事兩繼姑能得其歡心教子
撫孫家範整肅周貧卹困爲鄉鄰所倚賴年八十餘卒
汪煒妻吳氏性慈孝姑卧病三載氏衣不解帶辛未歲饑
熒滅糶不繼氏傾所積佐之鄉里誦德氏甘粗糲而延師
款客極豐日常以敬養勞逸之論教其家卒年八十一

節孝

明

王伯剛妻施氏名貞年十九而伯剛卒負矢柏舟人或以
無子撓之施以死辭居常閉門一婢相守寂如也撫教繼
子輔官增城知縣卒年七十八

明志

鄭孔貫妻祝氏名臨姑年二十六而貫亡撫子麒娶劉氏
名錦雲年二十九而麒亡姑婦相繼守節姑年八十二婦
年七十三吳門都穆作鄭氏雙節傳

舊志

龔潤妻陳氏潤舉鄉試上春官天順癸未之變死焉時陳

一復原志 卷一 一
年少甘貧守節不以無子異其心 明志

歐陽福祐妻朱氏年二十三而寡姑難其少且貧使更適

矢死不從姑病草刲股療之比卒哭之慟朱後以壽終 通志

周瑗妻葉氏永豐人年十六瑗卒無子立姪誌為嗣娶俞

氏亦無子早寡清苦守節葉氏實倡之也 通志

王綵妻毛氏年二十三守節奉姑撫孤建中後領鄉薦仕

至大理知府奉勅建坊有旌節錄楊時喬為之序 舊郡志

朱朝相妻周氏年二十五而寡勵志撫孤子邦昌恪遵母

訓郡縣上其事御史徐養心給絹帛獎之匾曰天挺節孝

之祝厲聲曰再醮須再世舅姑亡葬祭如禮撫姪颺為嗣

颺後列郡庠祝年八十一而終 舊郡志

郭元仕妻程氏家貧事姑極孝元仕早亡氏奉養益謹康

熙三十六年歲凶猶竭心力自食糠粃不失姑養純孝苦

節終身如一日知縣劉光祖獎之 舊郡志

鄭世禧妻翁氏名淑英年二十二禧死遺一子三女年餘

子又死矢志守節雖笄笄子立之死矢靡他焉 舊郡志

徐公調妻余氏名鳳英適徐生而不育乃繼二嗣年二十

六夫亡孝奉舅姑享年皆八十餘祭葬盡禮鄉黨咸欽重

之舊郡志

庠生鄭祚鉅妻鍾氏二十而寡生子甫月撫之成立不幸子夭復撫稚孫身任二世劬勞孀守六十餘載知縣王緯玉山知縣葉楠皆旌其堂郡志

彭大垣妻葉氏萬年訓導振鎔母年二十六而夫逝鎔甫九齡翁姑以年老家貧恐難自立微諷他適卽仰天痛哭以死相期忍餓耐寒歷盡艱辛卒年七十郡志

周維城妻呂氏明進士夔曾孫女城以力學致病卒氏年二十有三越兩月舉遺孤氏堅心守節家貧紡績備歷艱

辛者三十餘年忽一夕謂子曰吾所以不死者以汝故今辛成立行將從若父於九原明日還省外家陰為訣別歸之日無疾溘逝人咸異之舊志

汪元楨妻胡氏楨卒氏年二十八終身不御華飾教子孫甚嚴子煥燦孫坦鰲壘俱列宮牆卒年五十一知府周鏞元以節並松筠表之前志

庠生詹俊妻鄭氏年二十一夫卒遺腹生一子名世錡時家貧子幼有勸以再醮者氏泫然流涕曰夫亡子幼此何時也夫門宗祧絕續繫我忍異志乎自是食力紡紝以育

子卒年五十九前志

徐日哲妻葉氏年二十五夫亡以奉姑撫孤為已任姑以
哭子喪明垂二十載左右護持日夜禱祝目漸自明子世
煒日督以學得列膠庠雍正四年奉

詔表其門通志前志

叅將孫朝選妻熊氏豐城同知在鶴之女年十八來歸十
九夫故氏無出有妾子煇撫如已出扶柩歸歷洞庭鄱陽
之險舟凡幾覆滴血叩天波濤乃息歸後復遭火災抱子
出烈焰中僦居鄰舍家業蕩然夫兄孫孟公逼奪其志破

容剪髮訴官乃免雍正十三年事聞

旌表舊志

汪曠妻鄭氏鄉飲賓正官之女年十七于歸踰三年夫以
苦讀病喘未幾卒氏撫屍號慟唇焦齒黑絕饘粥已三日
親族苦勸之曰夫子死舅姑老在堂且有遺孕介婦未歸
侍奉當誰倚汝死汝能活腹中兒乎因強就食踰二月舉
子寧遠教養備篤孫甫八歲即束以小學儀節寧遠亦能
承母志氏年八十一卒夫弟燿哭之慟曰今而後家政吾
無所取則已乾隆四年請

旌建坊

前志

王慶綸妻翁氏年二十三而夫逝長子甫三歲次遺腹生與姑勤織紡以佐家計姑性嚴氏事之得其歡心教養其子成立次思滋太學生氏守節六十年現年八十三歲

庠生周渭妻郭氏渭卒氏年二十八悲痛幾絕見舅姑衰邁孤子零丁事上撫下心力俱瘁用能衣食不缺教育有

方以竟夫志

前志

紀其年妻管氏年十九夫亡遺孤數月又不育撫夫弟兩子爲嗣勤紡績以供二老氏守節五十餘年乾隆三十三

年請

旌建坊

余珪妻尤氏年十七于歸二十二夫故剪髮滴血自誓勤苦持家撫孤成立子維鏡維鏞俱監生孫灑庠生氏守節六十餘年卒乾隆四十二年請

旌建坊

舒國鈞妻徐氏年十七適舒十九夫故遺腹一子矢志撫孤孝事二老甘貧織紉勤苦成家後其子在泮入太學亦能孝養氏守節五十餘年乾隆四十二年請

旌建坊

庠生鄭養沛妻汪氏年二十八守節弟余氏監生養潤妻年二十五守節子功祀年方九歲當爲世父養沛後余氏不以私恩阻大義時老姑在堂善病偕汪氏同心黽勉生養死葬均無遺似汪氏乾隆二十一年咨部給與清標彤管匾額現年八十有五余氏在日鄉鄰欲爲舉報氏辭曰婦職宜爾也且吾妯已被 獎亦足以風矣年六十七而終

姜雲錦妻劉氏年二十三守節張文壇妻鄭氏年二十五

守節奉 例給清標彤管匾額獎之

周作楫妻徐氏年二十二失所天觸柱絕粒誓以身殉姑以叔穉子幼勸其節哀乃強食撫孤至弱冠受室未幾子復天媳陳氏年二十三無子同姑守節後叔娶妻舉子復夫婦相繼沒徐撫孤姪如己子藉以成立姑歿喪葬盡禮族人立其姪承祀以姪子爲陳氏子徐氏乾隆四十二年旌表陳氏見年五十守節二十七年

鄭朝彬妻余氏年二十四夫故遺孤週晬予長娶妻王氏復亡姑媳孀居余年五十九而終

熊裕照妻項氏年二十二舅歿夫亡無期功彊近之親養姑撫孤獨力拮据卒年七十有八熊裕正妻徐氏年十九守節孝養病姑喪葬以禮卒年五十有八徐廷槐妻祝氏年二十四守節卒年六十有三

庠生鄭顯常妻周氏名文英年二十夫逝遺子世祿世裕居孀四十八載艱苦備嘗清操自勵後祿遊泮裕授恩貢人以爲不負苦節云

庠生汪福遠妻劉氏年二十四守節撫子鐘鑑授室復天婦鄭氏年二十一而寡兩世孀居劉見年五十有三

王鑑妻周氏年二十四夫故時潮生三歲撫以成立孫適張廷鉅者早失所天素聞規訓投環殉夫氏見年屆七十

王鏡妻鄭氏鏡亡鄭年二十三撫孤溥漢溥娶婦楊氏又天姑媳同心守節鄭見年六十有三

監生余正昌妻汪氏年十九守節見年五十汪兆麟妻鄭氏年二十一守節見年六十歲二氏志堅節苦皆爲族堂所重

余之璫妻鄭氏年十六于歸十九夫歿遺孤斌瑞僅八月

氏守節撫孤志同金石艱辛紡績孝養老姑數十年如一
目鄉鄰族黨莫不賢之

高而平妻姚氏年十九守節見年五十有五熊德溥妻張
氏年二十三守節見年五十有二熊德浩妻鄭氏嘗割股
以療夫疾年二十四守節見年五十有八

鄭朝楫妻王氏年二十夫故時翁姑在堂孝養備至撫教
孤兒人隆有和九晝荻風代養孤姪恩禮兼盡守節四十
餘年

徐希進妻桂氏年二十三夫故無子舅姑在堂矢志孝養
以姪夢爨繼夫後娶媳王氏未幾夢爨歿 僅爲夢爨立後
桂氏現年五十九

監生周光祚妻王氏明進士鄺曾孫女年二十三夫歿氏
痛幾絕念姑老子幼毅然以撫孤自任姑性至嚴氏事之
得其歡心姑年八十卒葬祭如禮氏守節四十餘年紡績
不輟足不窺戶者如一日

蔡鴻漸妻王氏年二十七夫歿一子未週矢志撫孤成立
事舅姑以孝聞粗衣糲食苦節三十餘年現年五十九
徐學清妻劉氏夫早歿子未及週守節撫孤教子至馨必

勗以正有和九畫菽風徐學湘妻楊氏夫亦早歿子至仁
尚幼矢志堅守撫孤成立氏與劉氏為姊妹事繼姑皆以
孝聞

熊德渭妻徐氏年二十歸熊克盡婦道二十九夫歿堅貞
自守撫孤成立現年七十二歲鄭經邦妻盛氏夫歿矢志
撫孤守節三十餘年現年六十三

楊祖珖妻徐氏年二十三夫歿矢志守節孝奉翁姑撫教
二子武彝武城各有成立氏苦節數十年足不窺戶族黨
敬之

劉天祐妻邱氏夫歿子幼家貧甚操作撫孤織紵課讀苦
節六十餘年孫曾繞膝壽八十一卒劉鳴高妻周氏守節
四十餘年現年七十一

楊祖壽妻姜氏年二十四守節事祖姑及老姑孝養備至
撫孤武藩武定成立氏茹荼飲藥不與慶弔者三十餘年
現年五十三

鄭能燻妻羅氏年二十喪夫無子矢志堅守茹荼飲藥足
不窺戶孝養翁姑數十年如一日

楊祖封妻鄭氏年十七于歸二十一夫歿遺二女一子氏

觸柱幾絕姑諭以子幼乃強起撫孤未數月孤復夭有諷以夫亡子夭何所倚氏曰願相從於地下於是日獨處一室惟以女工自課寂不聞聲終以抑鬱嘔血死戚黨哀之

貞烈

明

汪芳妻劉氏芳病廢甚貧謀遣之泣曰夫貧且病妾命也敢不以死從備紡織以給朝夕正德庚午姚源賊至劉護芳不忍去賊欲污之不從斬芳首以脅之罵益厲遂遇害

舊郡志

鄭贊妻團氏姚源賊至團度難免使夫舁其姑先走自負子從之不及被執賊欲辱之給日有釵釧匿窖中願往取偕行賊解其縛遂并其子赴水死

明書

鄭某妻徐氏名鳳英爲兵所掠急以稚兒拜祚授其弟去
中途從馬上奮投龍潭高崖下碎身而死通志

貢生葛人臨妻張氏避亂靈山賊四至知不免投水而死舊志

國朝

童士淇妻陳氏避亂坑頭被賊擒逼攜二子俱溺死於山

茹塘塘知府曹鼎望獎曰節孝兩全知縣馬之驥獎曰一

門節孝舊郡志

鄭某妻徐氏順治初被兵擄縛其夫扶氏上馬誓死不從

遂射殺其夫氏罵不絕口兵怒并射殺之舊郡志

廩生鄭三錫妻盧氏康熙十五年大兵恢復郡城餘逆尙

聚永豐二月十四日黎明偽總兵郭忠孝統賊突至水南

恣擄掠氏與十歲子俱被擄迫令就道不從賊以刀加其

頸罵益厲賊怒斷其頭拉子去越旬日子逃歸編尋母骸

於積屍中血汚不能辨因跪泣曰是我母目當開一屍雙

目果開驗之不爽其靈異如此舊郡志

盧居儒妻翁氏日章母甲寅兵亂舉家避兵二十九都丙

辰三月初八偽都尉白搜山焚掠氏與姑避入深山賊偵

列女傳 貞烈

知之縱火延燒罔將逼姑促之出顧謂姑曰姑年耄出無

妨吾寧死於火决不為賊污惟善視吾兒足矣言畢火至

時懷妊七月火燒腹裂胎亦墮出其慷慨赴死如此舊郡志

庠生余嗣登妻徐氏明季寇虐氏避瀘內毛源遇賊悅其

姿欲亂之氏給曰我宦家婦多金姑緩同我取之賊喜從

至萬靈橋墜橋而死舊郡志

程尙仁妻汪氏康熙甲寅避寇夫妻失散寇偏甚氏度不

能脫抱乳子躍湖潭而死時年二十五郡志

副將周元妻蕭氏妾丁氏元任騰越營吳道脅叛力戰不

殞死於陣妻妾皆自縊

按周氏宗譜未載元妻妾死節事乾隆二十九年六

月翰林院功臣館咨開照得本館辦理昭忠祠所

陣亡大臣官員第一集列傳於各省通志册檔內

有事蹟而昭忠祠內無牌位者奏請添造牌位入祠

補行立傳等因一摺於乾隆二十六年七月內經軍

機大臣議奏奉

旨依議欽此欽遵在案本館續經行查事蹟並於通志册

檔詳細勘對業已纂妥傳文繕寫牌位字樣咨送工

部製造牌外相應開單行文知會貴撫轉行文所屬

地方俾本家後嗣共深頂戴計粘單一紙等因督撫

下其事於縣其族人以事蹟上聞內開周元字孟祥

上饒五十四都民籍賦性倜儻鐵面劍眉儀容魁偉

讀書談大義事父母至孝兄弟三人有同被之風年

十六能挽五石弓非善馬則不克副其腰腹三十後

棄舉業從戎四十餘登仕版二弟相依不離左右累

功陞授雲南騰越副總兵屢建奇勲破賊殺敵蒙

列女傳 貞烈

皇恩賞賚有差六十後始舉一子令幼弟孟起以所蒙恩賜還鄉里於府城西關外太安坊建廳屋三棟園圃四區箭道一所自顏其居曰怡怡堂蓋念切兄弟也康熙十三年吳賊叛忌元驍勇陰使人說之署元偽總兵元怒髮衝冠罵曰賊奴吾受

國家厚恩恨不砍汝萬段乃以此言辱我耶斬其使吳賊恨愈猖獗退保永昌元反說偽將軍田進學偽總兵李鍾秀同謀恢復順寧雲龍等州府賊愈噴元必生致之乃擁衆擒元元奮死勇潰圍歸賊環其境薪火不繼十餘日元知事不濟乃整衣北向拜曰吾以死報

朝廷矣妻妾牽之泣曰公死吾等不足惜如稚子何元詈曰吾尙領釋子耶遂攜刀直出次弟孟英隨之往喊聲如雷砍殺無數英先亡於陣賊繫元左右勸之降元笑曰周元鐵男子爲

天朝大臣今日死而已何得以降之一字侮我耶賊怒遂亂刃交下須臾肉成糜死之日妻蕭氏妾丁氏皆自盡其子以逃萬死一生得免虎

官衷兆麟江西南昌人素與元有道義契憫元死陰使求其子陳三遂攜而寄之衷視如己子旋同歸南昌元落魄時有刎頸交曰莊毅以武職宦章門見元子且得元死節始末乃抱元之子大哭爲文以奠隨郵報於家幼弟孟起悲痛入髓曰吾老矣當此兵燹時不能走萬里爲兩兄收白骨吾死何面目見吾兄於地下耶乃招魂葬之隨求其姪於衷氏衷氏因兵患又攜元子至別所并衷亦莫知所歸其後幼弟亦相繼淪亡以上事蹟應附入本傳以蕭氏丁氏同夫殉節非此無可據依故附識於此

婢某佚其名康熙年間封禁流賊劫掠居民至茅店某家婢少艾被虜脅至溪旁婢度不免汚辱投潭自盡土人稱此溪爲姨婆潭姨婆俗呼婢語也

周氏幼育於姑即配姑子余某性端淑不苟言笑奉姑以

孝承夫以和家故貧勤苦無怨生一子夫情貧益甚欲鬻氏氏泣以情理諭且誓必死氏少艾有容德里豪謀娶夫利多金竟許之有成言矣氏聞期迫痛責其夫姑前死未厝叩棺長號昏絕者再手其子投夫懷曰是呱呱者君之子也惟君善撫之妾不能覩顏復事人矣俟夫出輒自縊時年二十三鄉鄰哀之醵錢以葬併其姑獲瘞焉

蔣謙撰傳

張廷鉅妻王氏年十六于歸十九夫故既殯忍淚問諸姑伯姊曰節與烈孰難知義者稍陳其說氏微領之族黨恐其遂以身殉也密防之居喪周七七朝夕哭奠若無以異於人人者防守稍懈既葬沐浴更裳衣密縫之端坐房中以帛交頸遂卒翼辰家人排闥入莊直勁正如泥塑木雕人衆羅拜之乾隆四十二年

旌表建坊

余孟得妻周氏有德容年十九以夫家貧聽媒言欲嫁氏得厚金氏覺之以姑老子幼再三求免夫將允之媒曰事已成不可悔矣夫又迫之氏曰姑俟明日是夜周氏將姑衣洗濯縫補送入姑室料理夫與子衣服各置一器涕泣終夜自盡房中乾隆三十二年某月某日

上饒縣志 卷十二

方外書

仙釋 寺觀

神仙家托言老氏老子後百餘年有周太史儋者能
前知與老子姓同而名異其後爲修煉之術伯陽氏
參同契朱子猶爲之註柳柳州多爲浮屠家碑銘而
南嶽大明二碑一至於戒律此釋家之正傳於吾儒
寡欲養心之學猶有合焉者也其後變爲禪屢變而
與道家同爲祈禱厭禳之術則君子所不道也邑故
有方外志仙釋所居類多勝地且其人未必纔無可

紀者載筆者矜慎而出之亦足爲二氏光矣

仙釋

唐

慧覺禪師須江人姓徐氏嘗跌坐於南巖之大義石相傳石以是名後主鶯湖寺勅謚慧覺

按大義鶯湖禪師先曾居南巖應詳鉛志饒從畧

宋

詹大順字德常本太霞宮道士後奉詔赴闕賜對便殿詔授冲虛法師重和元年授元素大夫知鉛山之鴻都觀

按太霞宮屬饒今其址廢爲山川壇鴻都觀屬鉛代有元素大夫遺蹟宜詳鉛志饒應從畧

徐仁旺白雲山人嘗與丁晉公議遷陵寢事仁旺欲用牛頭山前地晉公必用山後地仁旺言後山地之害坤水長流災在丙午丁風直射禍在丁未聞者不以爲然其後言無不驗者

舊志

夏日葵號雲巖谷神觀道士雲遊四方遇異人授以方書遂精通道法歸值大旱郡守林公延至禱於社稷壇期以三日得雨果驗卒年六十餘徒孫方有常得其傳書亦以

道術顯

舊志

何和尚者上饒人因丙子亂失母乃削髮爲僧刺血寫經遍尋至燕值國方會僧六萬三千人何於會煉臂有一僧問有何願受此苦何具言所以僧云試往京兆府金鄉縣張宅問之至則張已俱往吉州仕宦矣復到吉州知張爲太和尹乞食至門曰我信州人有母在此關人言母出不復認何具言已與母生辰并外祖父母相向大哭張令加冠巾約爲兒許娶婦何曰初事佛求母豈可得母負吾初心乃陳省以母不當擄張以爲買引法力爭之何日哭於

省前省爲之動後竟得母以歸

據趙文何和尚尋母詩序

詩曰寫經母血盡長素母容枯燒蜜煉頂臂孰非母肌膚豈不痛於骨爲母忍斯須南北萬里餘來往如趁虛天高孝可感報應非浮屠出門訪東家遇否不可虞茫然求我天再見得所圖昔者別兒時那有此頭顱明明陳左驗大痛絕復蘇向來相妬人泣下成歛歔收淚相勞苦何異得乳雛不卽遂其志彼張非丈夫冠巾有婦子諒亦母所娛爲佛再有母初志不敢渝但期百年內奉母與佛俱雖非聖賢事區區守其愚爲君賦高誼感我真窮孤棄我十二年人母我獨無天涯尚可尋地下不可呼

明

廣心禪師號養菴叢桂坊人姓鄭氏華山真定法嗣也居家孝友後祝髮入燕都訪華山真定久乃大悟爰歸信州

任靈山中臺旋至鷺湖峰頂見大義禪師舊址居焉舊志

家詳鉛志

寺觀

茶山寺

在城北隅一名廣教寺陸羽泉在焉唐天祐間建廢興不一康熙丙午推官黎士宏重建甲寅兵燬

郡守孫世昌重葺壬辰周錞元復葺舊志

黎士宏建茶山寺記此山傳為陸鴻漸舊居陸好茶

故名茶山山側有泉因遂目為第四泉是未嘗考張

又新煎茶記也然山因陸固足傳泉性甘冽又自足

傳正不當以次第為高下耳秋深無事與同官策騎

相過謀構數椽存其遺跡學佛人德如慨然任之予

為額其楹曰獨清書一聯於柱十年舊蹟存前哲一

掬寒泉付老僧意殊適也近郡長蔡翼皇先生又將

新一杯亭屬大台趙君董其事嗟乎南亭西寺久有

沉烟一旦改觀兩賢相望興廢固自有時哉

附朱統敘瑞茶山寺僧詩因緣初地三生石問訊名

山四品泉僧借茶經高說法客依蓮社近逃禪青空

翠滴銀床滿爽氣苔涵紫笋鮮塵界黎元清渴甚願

將甘露洒無邊 國朝劉景榮詩鴻蒙初判此山開

一掬甘泉地湧來滿徑香茶高士種幾行翠竹老僧

栽祇今鐘鼓敲禪院憶昔鼎鑪沸曲臺隱負經綸人

不見流風長在白雲隈 馬道明詩不識茶山寺因

詢陸羽泉復岡如半玳小屋僅三椽苔澀碑難捫僧

閒手自煎未能供 七椀自覺腹便便

南巖寺 在開化鄉四十一都唐草衣禪師

建宋宣和間重修改名廣福舊志

權德輿草衣禪師記信州南巖有清淨宴坐之地而

禪師在焉師所由來莫得而詳初信州人析薪者遇

之於野中其形塊然與草木俱咨於州長乃延就茲

地三十年矣州人不知其所以然也遂以草衣號焉

方外書 寺觀

足不蹈地口不嘗味日無晝夜時無寒暑寂默之境
一繩床而已舊有鶻然此身不動其內則以三世五
蘊皆從妄作然後以無有法諦觀十二因緣於正智
中得真常真方寸之地湛然虛無身及智慧二俱清
淨微言軟語有時而聞涉其境之遠近隨其根之上
下如雨潤萬物風行空中履其門闕皆獲趣入若非
幹元機于無際窮實相之源底則四時攻於外百疾
生於內矣古所謂遺物離人而立於獨者禪師得之
嗚呼時人感物以遊心心遷于物則利害生焉吉凶
形焉牽攀焉鎖蕩而不復至人則返靜於動復性於
情夭壽仁鄙之殊由此作也斯蓋世諦之一說耳於
禪師之道其猶梯稗邪建中三年予以吏役道於上
饒時左司郎崔公出為郡佐探禪之味也熟為予詳
言之拂拭纓塵攜手接足洗我以善得于儀型且以
為楞嚴之妙旨毗邪之密用皆在是矣又烏知此地
之宴坐不為他方之說法乎故粗書聞見以志於石
陸漸重修南巖廣福院佛殿記畧曰信上饒南之
半舍有古刹焉地湧崇岡旁連翠麓山之半裂為遂

寶可容千夫是為巖據巖而全是為廣福院有唐丞
相權公德與嘗勒溪南草衣碣文以此為清淨宴坐
之地時有禪師達山在焉陟山之椒有大義禪師宴
處遺址猶存歷世滋久棟撓基圯經始者姑托芘覆
僅張椽桷不復相晦明之便故居者若蒙蔭來者踰
峻級前管勾釋懷珍嚴戒胸處二十載每患隘陋欲
營繕不遑以及歸寂其徒令權追念師志願一新之
郡有太原王保國子安三世以醫鳴江表一日過斯
院周覽上下惻然曰巖之名著聞古今至人嘗寓焉
頹弊至此吾能無動心歟因歸議於家合族為之喜
乃曰舉事者始銳而終怠首勞而末吝卒至滅裂而
不就者多矣吾欲此不靳千緡費而必成之由是三
子肅與議戮力從命材購其良工選其精無一不備
更新釋迦菩薩侍衛凡七軀增修羅漢十有八位列
之左右繡慶照空金容煥座入其門莫不肅瞻仰登
其堂莫不喜虛白天光內燭蠟穴可窺昔賢題誌墨
妙可觀豈非發千載之晦昧示一方之依嚮者耶造
始于宣和五年四月朔甲申越明年三月十四日辛

邪告

朱文公詩遙望南巖百尺岡青山叠叠樹蒼蒼題詩壁上雲生石入定巖前石作房一竅有靈通地脉半空無雨滴天漿鸞湖此去無多路肯借山間結草堂

天寧寺

在治北耆德坊吳周瑜故宅基也唐覺範洪禪師建賜額報恩光孝禪院宋致和中改今額元末兵燬鐘樓僅存後廢興不一康熙五十一年知府周鏞元重建鐘樓寺亦復修并為之記記畧曰信州治後震艮之間為天寧寺舊址宋建炎間鑄有巨鐘計重萬觔餘亦梵鐘也代久寺廢後人建樓寘鐘以司晨夜康熙癸亥樓隕失懸欹卧宿莽中殆三十載而郡治自甲寅風鶴以還司土者集良鴻煦寒谷日惴惴勞勞未有暇計之者而郡治七百里內士風頽靡不振仕籍寥落無聞識者謂郡治之形類鷄鐘實司鳴久暗不振有類於牝之晨有能發其聲與地靈相協人寧當應而轉矣予自膺郡符荅年于茲舉墜修廢

之懷未當少懈仰刺

聖人在位世休應天秋書大有而耆奮父老遂謂政通人和進以鐘樓請乃謀之同寅司馬武君來臣別駕蔣君容齋參政高君君選咸贊是舉卜吉稱樓于故址落其成而鐘復在懸士民皆額手相慶予遂揭而告之云舊志

青巖寺

在太平鄉六十九都唐乾寧中建明洪武間立為叢林少卿鄭邦福嘗讀書於此後建寧正年間僧一正復興之一正絕塵緣

甘清苦嘗賦詩見意舊志
詩曰名山突兀占饒東古利凌霄勢自雄寺靜蒼松棲鶴鶴門虛玉井應虬龍鐘聲晚逐溪前月山色靜翻雨後風若問青巖何所得素心擬其白雲同

香林院

在靈山鄉八都元天歷初建明洪武間立為叢林通志
夏言詩倚艦香林寺蹠屩鉛石山振衣青冥上飛蓋翠微間石人近可招靈岫香難攀夕陽下山去天風

方外書

寺觀

吹鶴還 盧陳摺詩詩社章師孔高吟竟寂寥香林
今已冷清露坐來銷月色停深院松聲落遠湖那堪
萬籟歇懷
古獨無聊

無爲院

在上饒鄉六十三都宋
大中祥符間建舊志

宋趙文鼎詩綠繞雲山溪水南溪光溶漾滴
晴嵐不知暖日紅塵絕但覺風和酒易酣

雲洞院

在開化鄉三十六都宋大中祥符間建
有天泉九仙一線天諸巖多題咏前志

宋韓元吉詩揮策度窮谷擇空見樓臺丹巖幾千仞
中有佛寺開老僧如遠公應門走蒿萊下馬問所適
褰衣指崔嵬飛欄倚石磴曠蕩無纖埃坐久意頗愜
爽氣生尊鬻仙棺是何人白骨藏莓苔舉酒一酌之
慨然興我懷月砂固未就白鶴何

時來不若生前樂長嘯銜此杯

景德寺

在縣南里許舊有十五小院曰薌巖曰浴佛曰報
恩曰水陸曰孔雀曰文珠曰首賢曰慈氏曰禪月

曰玉白曰戒壇曰齋庫曰泗洲曰廣信曰尊聖俱宋景德
間建今存者報恩孔雀水陸慈氏而已明洪武間立爲叢
林嘉靖間少師夏言重修御史桂榮有碑記後俱廢 國
朝康熙庚戌知府高夢說倡建大殿雍正二年湖南僧古
鑑主之乾隆八年重新
大殿費不貲施者前志

谷神道院

在溪南宋建炎間建歲久傾廢道紀方有常移
諸神像奉之寮舍舊志乾隆四十六年知府康

基淵將院及基并入信江

書院移神像於孚惠廟

純陽殿

在溪南白竹樓祀呂仙真人順治間知縣
陳汝璞重修額曰元祖臯州前志壇廟補

方起鵬謁呂仙詩懶將點石誤時流葛水樓空
草滿邱攜去青蛇銜映月乘風再醉洞庭秋

太霞宮

在溪南土壩宋建炎間建
今其址爲山川壇舊志

元妙觀

在縣西耆德坊宋建
炎間建已廢通志

至德宮 在靈山南麓峭壁萬仞傍崖爲寺祀龍神爲禱
之所康熙乙巳知府蔡廷輔推官黎士宏祈禱
應重爲修
葺通志

天妃宮 在崇孝鄉吉陽山麓明萬歷間廣
所千戶自秦淮迎至奉于此舊志

龍門寺 在沙溪創於南唐有宋朱子書額曰普陀別境
後圯康熙癸卯僧超羈修并建大殿廊廡通志

祥符寺 在縣溪南宋大中祥符間建有御書閣祥符軒靈
山亭雙龍井桂花館洗墨池鉢盂山跨鶴臺之勝

元季兵燬惟大雄殿獨存明天啟間
知府蕭思似重修楊南野有詩前志

薦福寺 在來蘇鄉五十八都宋建炎間
建元季兵燬明初重建舊志

普安寺 在溪南孔雀寺旁宋紹興間建明嘉靖時僧正
元重修少卿呂懷記崇正間僧靜潮增建通志

大德寺 在城富有坊元大德
二年建因名通志

正覺寺 在石橋鄉宋延
祐中建通志

土巖寺 在安輯鄉元至
正初建通志

清涼寺 在石橋鄉二
十八都舊志

湖潭寺 在永樂鄉五
十八都舊志

孔雀寺 在溪南宋景德間建後蒙泉晁太史有詩爲
嘗居其東偏榜曰黃碧軒明萬歷間僧海岸重建

推官趙士正記康熙丙午
郡守蔡廷輔復新之舊志

龍恩寺 在孔雀寺西宋咸熙初建康熙間知
府蔡廷輔郡丞夏一鳳重建舊志

金山寺 在上饒
鄉舊志

永福寺 博山下院知府祖進朝重修
典史程思亨董其事舊志

方外書 寺觀

高泉報恩寺 在乾元鄉四十三都宋嘉祐中建明崇正間
改爲禪院康熙庚戌寺僧改建舊有九井今
止存一
通志

瑞林院 在明遠鄉四都宋
咸淳間建舊志

大際院 在安輯鄉十六都
宋咸淳間建舊志

證果道院 在永樂鄉宋政和間建
後改爲土地祠舊志

臨泉院 在上饒鄉宋嘉
祐間建舊志

資福院 在明遠鄉宋咸
淳間建舊志

報恩院 在安集鄉宋咸淳初建一在
崇孝鄉宋大中時建前志

秦山院 在上饒鄉六十七都秦峰
頂下後五社重修前志

興福院 在上饒鄉六十六都
宋淳熙中建前志

慈氏院 在永樂鄉五十都宋
大中祥符間建前志

上團資福院 在乾元鄉四十四都始建於
唐明洪武間立爲叢林通志

崇福院 在乾元鄉四十三都
宋淳化中建前志

靈泉院 在乾元鄉四十五都
宋景祐中建前志

演教院 在永樂鄉四十七都
宋皇祐間建前志

龍華院 在永樂鄉四十九都
宋政和間建前志

鄱陽報恩院 在永樂鄉四十八都
宋淳祐初建前志

福勝院 在乾元鄉四十二都一名
前方寺宋至道間建前志

方外書 寺觀

保安院

在石橋鄉三十二都宋靖康間建卽
巖爲寺不假瓦覆亦異境也前志

清溪院

在安輯鄉宋寶祐
祐中建前志

寶慶院

在石橋鄉明萬歷中郡守張履正建
後有巖左右有石龜石鯉諸形府志

際頭院

在靈山鄉十都宋
咸淳間建前志

福安院

在上饒鄉唐元
和間建前志

東源院

在靈山鄉八都宋
至順間建前志

常寂院

在乾元鄉四十一都康熙八
年燬於火甲子重建前志

鷲峰院

在石人鄉十二都宋
大中祥符間建前志

法雲院

在石人鄉宋紹興
初建前志

靜樂院

在永樂鄉先原有寺明末僅存遺址雍正間修
德文重建後法印恢之邑人陳嘉惠記前志

正道院

在永樂鄉五十六都
一名湖潭寺前志

福生道院

在福善坊宋紹興間建明崇正時燬於火順
治間叅政康時昇重建改爲永福禪院前志

禪悅院

在城西三十五都寺始於明康熙間
僧像菴復建徒一正等恢之前志

法華菴

在太平鄉六十八都
宋咸淳中建前志

雲山菴

在安輯鄉十六都康熙間釋元
旨與徒古柏重建有記府志

南峰堂

在十一都層巖峭壁中有一洞可
通而上山巔平坦容百千人前志

中臺菴

在靈山明養菴禪師
卓錫于此有詩府志

東臺菴

在靈山東臺
峯下前志

西臺菴

在靈山西臺峰下前志

雲仙菴

在安輯鄉十六都康熙年間重建前志

峰頂院

在十六都山形險峻巖谷清幽前志

仙臺菴

在安輯鄉葛仙壇下宋時建前志

祝聖菴

在安輯鄉十六都圓山峰頂明天啟間建 國朝康熙元年重修前志

鉛嶺菴

在靈山鄉八都鉛石山麓有真武殿大士堂多遊人題咏前志

翠峰菴

在明遠鄉五都宋時建明熈康熙年間重建前志

西龍菴

在明遠鄉四都崇正時建康熙間僧印空主之遂為叢林府志

珠山菴

在石橋鄉三十都明崇正乙亥年建前志

準提菴

在西隅泰安坊順治間建前志

觀瀾菴

在民阜坊康熙年間建通判楊照改為波若菴前志

南臺菴

在溪南山川增江公祠側舊為祭祀齋宿之所順治時任僧覺元重建前志

祇樹園

在南隅下墘荆溪旁明南寧太守楊聞中建嘗與僧人作蓮社會後俱燬康熙年間邑諸生嚴敬施

樹重立小菴以存故跡府志

霧林山

在三十都仁義鄉古康國寺宋乾和釋耀說法其上康熙時僧雪嵐重建郡丞鄭守先表其額曰脫

迷謫覺

府志

石城古刹

在明遠鄉五都初為草菴順治間信聖開與其徒苦行建繇朗然後加擴之前志

覺塵禪院

僧一澤智結同建前志

水陸寺 在溪南嘉寧坊宋景德間建今廢前志

招福院 在石橋鄉久廢無攷前志

新興院 在石橋鄉三十三都宋宣和中建明洪武二十五年立為叢林今廢前志

南安興祚院 在安輯鄉二十二都宋天歷間建今廢前志

靈鷲院 在城西二里接官亭北舊為小菴康熙己酉僧崇文募建規制加廣甲寅後僅存荒址前志

古城山 今寺廢址存

綠楊菴 在西關外明初建康熙甲寅燬於寇

仙姑廟 在城西開化鄉焦石

居山殿 在開化鄉祀江饒王二徐真君神南唐時統師至信兄弟僵化於此因立廟祀之桂榮有記

貞烈祠 在乾元鄉黃塢今存基址上有葉氏荒塚

通濟菴 在黃沙嶺東田程氏捐建

高泉寺 在南鄉羊石里葉氏捐建

按寺觀例志興建修葺及其地之所有而已前志有為作小傳者例應從削

此舉人頗有詩名御批曰粗通放
 昭宗實錄乾寧二年二月刑部尚書崔凝知貢舉取張貽
 此舉人頗有詩名御批曰粗通放
 昭宗實錄乾寧二年二月刑部尚書崔凝知貢舉取張貽

上饒縣志 卷十三

雜記

古人文章必有所為而作未有以文戲者昌黎毛穎
 傳寄托良深至巧者王承福傳則衆著於其義矣後
 來沿襲溺於流而迷其源此說部所以無足貴也邑
 今雜志蓋兢兢無敢濫云

天祐年中內試貞白札翰狼籍帝覽拂下玉案有黃門奏

此舉人頗有詩名御批曰粗通放

唐詩紀事

昭宗實錄乾寧二年二月刑部尚書崔凝知貢舉取張貽

寧等二十五人勅於武德殿東廊覆試內一人盧賡不至
 先乞落內出詩賦四題分鋪不許往來午後一刻進納宣
 翰林學士承旨戶部侍郎崔辰秘書監馮渥於雲韶殿考
 所試詩取趙觀文程寔崔賞崔仁寶四人并盧贍韋說封
 渭常希震張蟻黃滔盧鼎王貞白沈崧陳曉李龜正等十
 一人並與及第餘五人落下許再舉四人不許再舉凝貶
 合州刺史據此似無黃門可容乞放况內試亦非天祐年
 事紀事不足為貞白誣也

唐音
統籤

王貞白唐末大播詩名嘗作御溝詩云一片御溝水綠槐

相蔭清此波涵帝澤無處濯塵纓云云以示貫休休曰
 一字貞白揚袂而云休預書一中字於掌遂巡貞白回曰
 此中涵帝澤休開掌示之不異所改

青瑣後集

御溝一律吟家喜談其事亦繇微含此典故佳咏葦排句
 輕趣可追姚監餘概少快心

唐音
統籤

張淹為東陽太守逼郡吏燒臂炤佛民有卑使禮佛贖懃
 動至數千拜坐免官孔顥為會稽太守反敗死淹其黨也
 屯軍上饒縣聞劉故敗軍副陽太守費熠欲圖之許云得
 鄧琬信急宜諮論欲因此斬淹淹素事佛方禮佛不能時

進熠復誑云捕虎借大鼓及仗士二百人誑信而與之熠
因率衆入山饗士約誓揚言虎走城西鳴鼓大呼直來趨
城城門守衛悉委仗觀之熠率衆突入淹正禮佛間走出
因斬首

前志

按東陽郡舊名也張淹事見冊府元龜附載於此以
爲佞佛者前鑑又按上饒立縣見於唐而南北時已
見方策識之以待博聞者訂考

劉太真唐時禮部侍郎天下早公以宗伯官奉檄遍行祈
禱至信借刺史李得勝往禱於靈峰下胡隱君昭祠而立

應因奉勅建祠祠成劉先僵化隨報李刺史詣祠拈香亦
立化鄉人遂塑兩遺像祀之至宋紹興間助王師滅賊郡
守上於朝降勅加封助順將軍

舊志

按以劉爲刺史而遺李不載今按李傳補入又按韋
處厚爲信史姑並存之以俟考證

原跋

陸羽字鴻漸號竟陵子唐時人初未知所生世傳復州鴈
橋乃竟陵龍蓋寺僧得羽處初見羣鴈翔集覆小兒於下
僧史種師得而育之欲以爲弟子及長以易自筮得蹇之
漸曰鴻漸於陸其羽可用爲儀吉乃以陸爲氏以羽爲名

而字鴻漸以鴈目其橋

前志

天順間信守金銑廉幹有異政嘗從空作迎仙語會旱爲
製金盤一具步至三清八溈龍潭故事祈者持物往禱於
潭中獲鱖蟹蟲魚之屬卽歸致雨以爲常公謹謝曰吾不
爾捧盤默祝此來必求現真龍身然後返少頃波湧丈餘
浸公身之半公不懼倏忽有物瓜其金盤去公謝起行果

大雨

前志

李開芳司臬江西時中使入豫章咆哮礦稅首及廣信其
瓜牙橫甚大吏莫敢誰何上饒知縣李鴻獨捕數人杖斃

之使怒露章疾馳撫臣其慮波及將繼劾開芳曰果爾
海內視公爲何如人請劾某而置上饒撫臣慚而退

南昌府志

吳達可巡按江西稅使潘相毆折輔國將軍謀圮肢并繫
宗人宗達誣以劫庫劾上饒知縣李鴻王使帝切責謀圮
等奪鴻官達可言宗人無故受刑又重以詰責將使天潢
人人自危鴻無辜不當黜願亟正相罪復鴻官相又請開
廣信銅塘山采大木達可復亟諫不可闕臣力爭之乃寢

通志

余志遠少有才智勤苦奉親養弟娶妻謝民生一子聰穎

七八歲咸稱神童志遠力行善以祈後福越二年妻亡明年子又亡嘆曰如此誰甘爲善者是夜夢神語曰爾非妻財子祿中人至德宮望子久矣後訪問父老皆曰寺創自唐李真人久毀壞近爲豺虎窟穴不可去志遠弗聽攀荆棘履巉巖直上四望荒蕪僅存數椽瓦礫滿場古佛靠石不覺淚下遂欲下頃刻雲霧四起雷雨大作就石而卧又夢神語望子久矣果爲之何慮不終夢中諾之次早下山將平時所積錢穀彙計五百餘金剪除荆棘開治道路自春徂秋規模粗就披雲寺僧至具述其所夢志遠憶之與

風雷所阻之夜同頗自喜明年廟宇落成漸置田地栽竹木出家受戒數十年勤苦如一日

許某女姊妹二人姊年十二三字徐忽右膝病癱癱痊足微跛徐氏子欲別議婚女父使媒氏致命曰願以少女代徐允焉妹聞議已成亟縊姊臂奪金條脫以去姊泫然無愠色明年妹于歸又一子死而姊終不適人孝養父母備至父語諸子曰此爾長兄也以次孫爲之後享年七十有奇

正德初黃縉

司見啓吏多暇日時課以小學書晨

文譜誦經圖

曰民當教後渾無訟吏到間時

也讀書

通志

城南景德寺相傳純陽呂祖曾屢寄跡寺中至今大石上有卧痕然歲月久遠無可深考偶閱詞綜第一卷載有呂祖景德寺僧房梧桐影一曲其詞云落日斜秋風冷今夜故人來不來教人立盡梧

桐影觀此則昔之所傳爲不誣

